



Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Vita S. Colvmbani Abbatis Ex ea quæ est per Ionam eius discipulum & Abbe[m] conscripta insertis quibusdam ex vita S. Galli. Obijt anno Dominici Natalis 615 temporibus Clotarij Francorum Regis ...

urn:nbn:de:hbz:466:1-42787

Miracula ad nimiam prolixitatem singulatim h̄ic expla-
tumulū eius. nare. Et quidem pr̄ter sanitatū collata bene-
 ficia ad tumulū eius; ibidem & noctu psalmo-
 diæ catus auditus, ac luminaria diuinitus ac-
 césa subindè visa, miriq; odoris fragrātia lō-
 gè lateq; diffusa. Successit verò huic sacro An-
 tistiti, S. Gottheardus: cuius vita extat 4. Maij.
 Tom. 2.

Vide Tom. VITA S. COLVMBANI ABBATIS EX
7. Annal & ea quæ est per Ionam eius discipulum & Abba-
8. C. Baron. tē conscripta insertis quib; fidam ex vita S. Gal-
21. Nouē. li. Obiit anno Dominici Natalis 615 tempori-
Patria eius. bus Clotarii Francorum Regis Chilperici filij.

COLVMBANVS, qui etiam Columba
 dictus est, in Hybernia, inter ipsa fidei
 illic nascentis primordia, oriundus, nō
 sine futuræ sanctitatis præfigio in lucem pro-
 dijt. Eius namque genitrix, cum concepto fo-
 tu grauida esset, vedit nocte quadam intempe-
 sta è sinu suo rutilantem nimioque fulgore
 micantem procedere solem, & mundo ingens
 lumen præbere. Porro Columbanus exactis
 infantia annis, pubescente ætate, artium lib-
 eralium & Grammaticorum literis capaci
 in primis ingenio operam nauare cœpit: eam-
 que ad virilem usque ætatem magna animi
 contentione prosecutus est. Sed cum eum for-
 mæ elegantia, corporis candor, & nobilis
 pubertas omnibus gratum redderet, cœpit
 antiquus hostis lethifera sua in eum torquere
 tela: ut quem tanto cernebat pollere ingenio,
 suis, si posset, nexibus implicaret. Aggreditur
 igitur lasciuas puellas, illasque eius amore in-
 flam-

*Visione ma-
 trii S. Co-
 lumbani.*

*Dat operam
 literis.*

*Diabolus
 infidetur
 eum pudici-
 tie.*

flammat; maximè quas formæ corporis perfunctorius decor horrendo desiderio in misericordia animos insinuare & immergere solet. Sed cū egregius miles tot vndeque telis appetit & vrgeri se conspiceret; micantemq; versuti hostis sicā in se vibrari cerneret, humanæ fragilitatis non ignarus, sciens etiā nihil esse tam sanctum religione, tamque custodia clausum, quo penetrare libido nequeat, cōtra immanes hostium cuneos ad pugnam se accingit; *Eis fortiter Vir sanctus* ne frustrato labore, quē nō mediocri ingenio resistit. in Grammatica, Rhetorica, Geometria & ipsis quoque scripturis diuinis consumperat, sculi illecebris occuparetur.

Itaque relieto natali solo, & matris lachrymis admiranda animi virtute contéptis, ad vi-
rum venerabilem, qui Senilis dicebatur, singu-
lari religione & scripturarum eruditione pol-
lentem se contulit: aquid quem tantos in omni
scientia fecit processus; vt adhuc intra adoles-
centiæ metas constitutus, multa literarū mo-
numentis dignissima conscripsérat. Sed antē
quam maternis se amplexibus expedire pos-
set, dictu mirum quas non luctas, pius adoles-
cens superauerit. Mater enim simulac de abitu
eius certior est facta, perurgente dolore, ne se *Ingenti ten-*
desereret, multis precibus rogare coepit. Il-
lo autem preces repellente, mater totis vi-
ribus obsistere, & limini inhærens abeuntem
retinere. Deinde eiulans & in paumentū pro- *Ita faciendū*
strata, vbera quibus eū nutrierat exhibere, & docet S. Hie-
copioso lachrymarum imbre mentem eius e- *rōnymus in*
mollire conari. At ille oculis perpetuō in epistola ad
Christum coniectis, egregiè sustinuit pugnā; *Heliadornī*

Oo 2 ac tan-

ac tādem limēn matremque transiliēs, orat eā
vt bono sit animo, magnum à Deo in cēlis p̄-
mium pro ea re perceptura.

Igitur hae difficultate, auxiliante Chri-
sti numine, superata, primo ad Senilem, vt di-
ximus confugit: deinde monachorum se so-
cietati adiunxit. Erat per id tempus in mona-
sterio Benchor Comogellus Abbas studio reli-
gionis & regularis disciplinæ cultu præcipu-
us: cui se Colubanus in disciplinā tradens p̄i-
ma sub eo spiritualis militię fecit st̄ipēdia. Quo
in monasterio vt multos annos magna cum o-
pinione virtutis exegit, tandem tactus deside-
rio peregrinandi, assumptis in opus Euangelij
viris duodecim, pietate & eruditione præstā-
tibus ex Hybernia in Gallias postremò dela-
tus est. Vbi à Rege Sigeberto humaniter sus-
cepti, eremum pariter petière Volagum, va-
stā sanè, sed Christi amatoribus in primis gra-
tam: in qua locum muris antiquitus septum
& aquis calidis irriguum inuenierunt, sed iam
vetustate collapsum; quem vulgo Luxouium
vocabant. Eo in loco oratorium in honorem
S. Petri cōstruentes, tuguriola pariter cōdide-
runt; in quibus die nocteque cælestibus tantū
intēti rebus suauissimum conuersationis su-
longe lateq; diffundebāt odorem: ita vt multi
admodū mirifica virtutum fragrātia illecti ad
ipsoſ confluenter, & se suaq; omnia in eandem
vitæ societatem conferrent. Cernens autē vir
sanctus tantam multitudinem vnius cœnobij
limitibus compræhendi vix posse, alio idoneo
reperto loco, aliud illuc monasterium ædifica-
uit: quod fontanas voluit appellari, ob aquarū
ibidem

*Ingreditur
monasteriū
Benchor.*

*Cum 12 so-
cijs ex Hy-
bernia profi-
ciscitur.*

*Laxouiense
monasteriū
exiuit.*

*Multi ad
eos conflūnt.*

*Item Fonta-
nenſe.*

ibidem abundantiam. His igitur in locis cum monachos instituisset, canonem sive regulam quam sequerentur spiritu sancto plenus con- didit: cumque præcipua sanctitate & miracu- lorum insuper gloria floreret, tum tentatio- num procellæ nequaquam deerant: quæ tamen fidei ipsius anchoram in Deo multo magis fir- mabant. Cum aliquando per opaca saltus in- ter denia ambularet, & de scripturis sacris se- cù conferret, subito eius animo incidit cogita- tio vtrū potius eligeret hominū iniurias per- peti, an ferarū sauitiam sustinere. Quæ cogi- tatio cum illi importuna esset, eumque vehe- menter urgeret, crebro fronte Crucis signo ar- mans atque orans intrà se ait; præstare bestia- rum ferocitatem absque alieno peccato, quam hominum rabiem cum animalium damno per- peti. Cumque hæc animo volueret, eccè lupi duodecim aduentates dextera lœuaque mediū cingunt, oraqué sua ad eius vestimenta adiun- gunt. At cum ille constanter clypeum fidei eis opponeret, & Christi numen placide inuoca- ret, feræ bestiæ interritum relinquent, & se- curum per saltum iter carpentem quasi obstu- pescunt. Ea verò temptatione superata, mox fre- quentium per auiā oberratiū audit voces la- tronum; quibus tamen nihil motus gradum confecit: sicque pari animi constantia eandem quoque temptationem profigauit. Hoc autem an reuerā ita se habuerit, an verò dæmonum terriculamenta fuerint, perspicue non cog- nouit.

Erat autem illi in more positum, ut Domini- nici diebus & præcipuis Sanctorum solenni-

O o 3

tati-

tatibus, ab aliorum societate seperatus in loca
abdita se reciperet: & lögioris spatij eremis fe-
creta experteret. Itaque die quodam vasta ere-
Vrsum iacet
abcedere.
mum penetrans, reperit immane saxum, præ-
ruptaque cui usdā rupis latera, hominibus in-
acessa. Ea ingressus, cernit in interiori sinu vr-
sum latitantem, cui protinus mansuetu ut abi-
ret, nec deinceps eos calles repereret, impera-
uit. Paruit ille mira facilitate, & vir sanctus
concauum in caute sinum ingressius, vnde ferā
expulerat, ibi suæ orationis locum deinceps
constituit; ubi etiam fontem suis precibus
elicuit perennem: qui usque hodie scaturire
non definit.

His alijsq; penè innumeris sanctitatis ope-
ribus ad eō nomen eius apud omnes euaserat
celebre, ut Theodoricus Rex fili⁹ Childeberti,
nepos Sigeberti, qui eo tempore Burgundionis
imperabat, mirum in modū viri familia-
ritate delectaretur; sæpiusque eū visitans summa
deuotione precū eius deposceret suffragia.
Verū cum vir sanctus acris interdum eum
increparet, quod impudicis quarūdam fœni-
narum pollueretur amplexibus, Brunechil-
Brunechil-
dis auid Regis
Theodo-
rici ei ins-
diatur ac
tandem reg-
no expellit.
dis auia Regis, videns Regem attentas salutaribus
viri Dei monitis præbētem aures, cœpit insi-
dias viro sancto moliri, modisq; omnibus Ré-
gē incitare, ut Columbanum cum socijs regno
 suo deturbet. Timebat enim, ne, si abiectis cō-
cubinis, Regina in cōsortium regni assumere-
tur, dignitas eius planè cōcideret; ac deinceps
nulla apud Regem regniq; proceres in precio
esset. Itaque Theodoricus qui ad illum usque
diem summaveneratione virum sanctum pro-
fecu-

secutus fuerat, superba auiæ suæ malitia indu-
ctus, missò militari præsidio, post eremì illius
incolatum anno vigesimo, è monasterio tam
eximia sanctitate virum expulit.

Expulsus & iuxta Vesontionense oppidum
in exilium abactus, audiuit eo in loco carce-
rem esse damnatorum hominum plenū, vlti- ^{Liberat}
ma supplicia iam iam expectātum. Eo itaque ^{carcere vni-}
ocys accedens, ostium, nullo obstante, ingre- ^{etos ultimo}
ditur; damnatisque salutaria monita depro- ^{suppicio}
mens, hortatur omnes, ut patrata facinora
dignis pœnitentiæ fructibus expiare festi-
nent. Illi nullos pœnitentiæ labores recusant,
si modo aliqua spes venia affulgeret. Tum Co-
lumbanus ministro suo Domoali imperat, ut
ferrum, quo compedes irretitæ atque innexæ
erant, manu ad se trahat. Et eccè illo appræ-
hensum ad se ferrum trahente, mox instar pu-
trefacti fruticis particulatim comminuitur.
Solutis itaque compedibus, vir Dei, pera-
cto ministerio Euangelico, pedes singulorum
lauit, linteoqué extersit. Deinde iubet om-
nes Ecclesiæ petere, ut concepta flagitia pœni-
tentia & lachrymis expiare festinent. Prope-
rantes illi, ecclesiæ fores inuenere obseratas,
tribuno militū eorum interim vestigia perse-
quente: & damnatos suos ad supplicia postu-
lante. Illi verò à tergo appropinquantē viden-
tes militem, foreisque ecclesiæ obseratas, ge-
raina vallati angustia, virum Dei ut eruantur,
compellant. Anxio ille peccore caput sursum
attollens precatur Dominū, ut iphus virtute à
vinculis eruptōs, nō finiat denuo à militib. vin-
ciri. Nec mora. Fores firmis obseratæ claustris,

OO 4

con-

*Diuinitus
referantur
fores tēpli.*

confestim in angustijs positis aditum pandunt; illisq; intrō receptis rursus diuina virtute obserantur. Et quidem eis hoc modo ex ipsis pœnæ mortis faucibus ereptis, nemo deinceps iniuriam inferre ausus fuit.

*Reuertitur
ad suum mo-
nasterium.*

*Non potest
cerni à per-
secutoribus.*

*Spontē egre-
ditur &
quare.*

*Venit ad
Clotarium
Regem, &
benignè ab
eo suscipitur.*

*Venit in
Italiā.*

Post hæc vir Dei animo fiduciæ pleno, ad monasterium suum reuerti non dubitauit. Quod simulac Regi Theodorico & Brunechilidi innotuit, illi atrocioribus iræ aculeis stimulati, militum cohortem confestim miserunt, qui Columbanum vi indè abstractū ad pristinum exilium reuocarent. Sed accidit tūc spectaculum sanè pulcherrimum. Milites enim cū tribuno in monasterium irruentes, residentem in atrio Ecclesiæ occæcatis virtute divina luminibus videre nō poterant: Ipse verò latabundus quærentes se cernebat. Veruntamē ne sua constantia alijs periculum crearet, spontē cessit: & deducentibus eum Sophronio Nannetensi episcopo & Theobaldo Comite iuxta Regis imperium, nauim concedit, vt in Hiberniam remearet. Sed fuit huic itineri divina voluntas multis indicijs planè contraria: quæ eum patrium solum repetere prohibebat. Itaque ad Clotarium Chilperici Regis filium, qui in Austrasijs regnabat, prefectus est. Aquo peramater exceptus, & benignè aliquamdiu habitus, cum sedem ibi figere nollet, ne ipsi Clotario villam inimicitarum occasionem cum Theodorico præberet, rebus ad iter necessarijs ab eo adiutus, postremo in Italiam venit: vbi ab Agilulpho Longobardorum Rege sumpta cum humanitate, nec minore cum honore exceptus est. Ibi cum apud Medio-

Mediolanum moraretur, & hæresum fraudes
atque Arianæ perfidiæ machinas scripturarum
cauterio dispergeret ac diffidaret, edito que libello
scientia & eruditione florentissimo pro-
fligaret, vir quidam Iucundus nomine ad Re-
gem venit, indicans se scire basilicam in ruri-
bus Apenninis Apostolorum principi sacram:
virtutibus & miraculis clarissimam: locum
præterea esse vberate fœcundum: aquis irri-
guum: & piscium copia abundantem: veterum
traditione eum Bobium appellari: à riuo quo-
dam sic dicto illic manante: cui adiunctus sit
amnis Trebia, ad quem olim Annibal hyemâs
ingentem suorum stragem passus fuisse fertur.
Eo cum vir Dei magna animi intentione per-
uenisset, basilicam semirutam pristino decori
restituit; & monasterium ædificijs insigne non
minus quam commodum construxit: vbi post-
quam annum unum in omni sanctitate exegi-
set, soluto mortalitatis ergastulo ad cælos mi-
gravit: & quæ post obitum gloriosis clarus mi-
raculis.

*Construit Bo-
biense mona-
sterium &
postmodum
moritur.*

IN SOLENNITATE PRAESENTIA-
tionis seu Oblationis glorioſissima Virginis Ma-
riae: Ex R. P. D. Petro Canisio societatis Iesu Martyr.
Theologo. Libr. i. cap. 12. de eadem Deipara Rom.
Virgine.

ITEM traditum & multorum au-
toritate corroboratum est, Ioachim &
Annam, integerrimos Virginis nostræ pa-
rentes, post longam sterilitatem fœcunditatis
sux desideratissimum munus, natam scilicet ac
21. Nouē.

Oo s abla-